

Na osnovu čl 69. stav 3., čl. 70. stav 1., 4. i 6., čl. 100. stav 3. Zakona o javnim nabavkama Bosne i Hercegovine („Službeni glasnik BiH“, broj 39/14) u otvorenom postupku nabavke softvera/softverskog rješenja, predsjednik Turističke zajednice KS godine, donosi

O D L U K U

o usvajanju žalbe i poništenju postupka javne nabavke

Član 1.

Djelimično se usvaja žalba ponuđača „Digitarija d.o.o.“ Sarajevo na tendersku dokumentaciju za nabavku softvera/softverskog rješenja koji je objavljen na Portalu Agencije za javne nabavke dana 17.12.2018. godine pod brojem: 19294-1-1-41-3-15/18.

Član 2.

Poništava se postupak javne nabavke softvera/softverskog rješenja, koji je objavljen na Portalu za javne nabavke dana 17.12.2018. godine pod brojem: 19294-1-1-41-3-15/18. Ova Odluka objavit će se na internet stranici ugovornog organa www.visitsarajevo.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Zakona o javnim nabavkama.

Član 3.

Ova Odluka stupa na snagu danom donošenja i dostavlja se svim ponuđačima ponuđačima koji su učestvovali u postupku javne nabavke u skladu sa članom 71. Zakona o javnim nabavkama.

O b r a z l o ž e n j e

Postupak javne nabavke softvera/softverskog rješenja pokrenut je Odlukom o pokretanju postupka od 17.12.2018. godine. Javna nabavka je provedena po otvorenom postupku u skladu sa članom 25. Zakona o javnim nabavkama. Procljenjena vrijednost javne nabavke je 85.000,00 KM bez PDV-a.

Obavještenje o nabavci broj: 19294-1-1-41-3-15/18 poslano je na objavljivanje dana 17.12.2018 godine i objavljeno istog dana na Portalu javnih nabavki, dok je sažetak obavještenja o nabavci poslan “Službenom glasniku Bosne i Hercegovine” na objavu.

Ugovorni organ je dana 03.01.2019. godine od ponuđača “Digitarija d.o.o.” Sarajevo koji je preuzeo tendersku dokumentaciju, zaprimio žalbu na tendersku dokumentaciju od 17.12.2018. godine za postupak nabavke softvera/softverskog rješenja.

Prije nego se upustio u meritorno odlučivanje po žalbi ugovorni organ je pristupio provjeri formalnih pretpostavki za ulaganje žalbe, koje moraju biti ispunjene od strane žalitelja, kako bi se pristupilo njenom rješavanju, a odnose se na uslovljene pretpostavke u skladu sa članom 100. stav 1. Zakona o javnim nabavkama, odnosno na dopuštenost, blagovremenost i izjavljenost ovlaštene osobe.

Ispitujući pravne pretpostavke po postupanju po predmetnoj žalbi, ugovorni organ je utvrdio da je žalba dopuštena, izjavljena od ovlaštene osobe i blagovremena, te s obzirom na osnovani sadržaj djelimično usvojena.

ID broj: 4202315730001

Obzirom na istek zakonskog roka za ispravku predmetne tenderske dokumentacije, ugovorni organ nije u mogućnosti djelimično ispraviti predmetnu tendersku dokumentaciju i okončati postupak.

U vezi s tim odlučeno je postupiti na osnovu člana 100. stav 1. i 3. Zakona o javnim nabavkama, te pristupiti poništenju postupka u potpunosti.

Nakon pripreme i usklađivanja tenderske dokumentacije u cilju efikasnije i jasnije situacije a u skladu sa odredbama Zakona o javnim nabavkama, o ponovnom pokretanju postupka svi ponuđači će biti obaviješteni u skladu sa Zakonom.

Pouka o pravnom lijeku

Žalba na Odluku o poništenju postupku izjavljuje se URŽ-u putem ugovornog organa u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove Odluke.

Broj: 29119

Datum: 07.01.2019.

Predsjednik Turističke zajednice KS 18



mr. sci Midhat Hubijar

Dostaviti:

- učesnicima u predmetnom postupku;
- web portal ugovornog organa;
- a/a